

Na osnovu člana 24. Zakona o građevinskom zemljištu («Sl. novine F BiH», broj 25/03) i člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša» broj: 9/05) Općinsko vijeće Općine Velika Kladuša, rješavajući u predmetu preuzimanja neizgrađenog građevinskog zemljišta, radi privođenja trajnoj namjeni, na XX sjednici, održanoj dana 27.04.2006. godine, donijelo je

**R J E Š E N J E**  
**o preuzimanju neizgrađenog gradskog**  
**građevinskog zemljišta**

1. Od ranijeg vlasnika Redžić Ismeta sin Hasana iz Velike Kladuše, preuzimase gradsko građevinsko zemljište radi privođenja trajnoj namjeni, a u svrhu izgradnje Ulice H. Sadikovića u Velikoj Kladuši, i to:
  - k.č. br. 1190/2 «Redžića ograda» nekategorisani površine 79 m<sup>2</sup>; k.č. broj 1193/2 «Redžića ograda» površine 119 m<sup>2</sup> upisane u Pl. 267/11 K.O. Velika Kladuša;
  - k.č. br. 1190/3 «Redžića ograda» livada pov.19 m<sup>2</sup> upisana u Pl. br.146/04 K.O. Velika Kladuša i
  - k.č. br.1193/3 «Redžića ograda» livada pov.26 m<sup>2</sup> upisana u Pl. br.1315/03 K.O. Velika Kladuša, što po starom premjeru odgovara:
    - k.č. br. 1167/20 u površini od 79 m<sup>2</sup>,
    - k.č. br.1167/23 u površini od 119 m<sup>2</sup> upisane u Z.K. ul.br.487 K.O. Velika Kladuša,
    - k.č. br. 1167/19 u pov. od 19m<sup>2</sup> upisane u Z.K. ul. 2726 K.O. Velika Kladuša,
    - k.č. broj 1167/22 u pov. od 26 m<sup>2</sup>, upisana u Z.K. ul. 487 K.O. Velika Kladuša.
2. Za preuzeto neizgrađeno građevinsko zemljište, ranijem vlasniku pripada pravo na naknadu koja će se odrediti u posebnom postupku nakon pravosnažnosti ovog rješenja.
3. Zemljišno-knjižni ured Općinskog suda Velika Kladuša će po pravosnažnosti ovog rješenja brisati upis dosadašnjeg nosioca prava korištenja na zemljištu iz tačke 1. ovog rješenja i istovremeno izvršiti upis zemljišta društvena-državna svojina u korist Općina Velika Kladuša sa 1/1 dijela.

**O b r a z l o ž e n j e**

Odlukom o određivanju i proglašavanju zemljišta koja se smatraju građevinskim i postaju društvena svojina («Sl. glasnik opštine Velika Kladuša», broj 8/83) nekretnine navedene u dispozitivu ovog rješenja proglašene su društvenim u cilju izgradnje i modernizacije ulice H. Sadikovića do porodično-stambenih objekata u naselju «Joše» za koje je donesen Regulacioni plan.

Po prijedlogu ODF-a za komunalne djelatnosti i infrastrukturu Velika Kladuša, kao zainteresiranog pravnog subjekta, pokrenut je

postupak radi razrješavanja pitanja preuzimanja zemljišta u svrhu privođenja namjeni koja je određena Regulacionim planom «Joše».

U postupku koji je prethodio donošenju ovog Rješenja, utvrđeno je da je Rješenjem SO-e Velika Kladuša, broj 01-012-282/83 od 07.12.1983.godine, od ranijih vlasnika među kojima je i Redžić (Hase) Hasan, izuzeto neizgrađeno građevinsko zemljište radi izgradnje prilaza – ulice do porodično-stambenih objekata u naselju «Joše». U upravnom sporu, po tužbi Redžić Hase Hasana, zastupanog po sinu Redžić Ismetu, izjavljenom protiv rješenja o izuzimanju neizgrađenog građevinskog zemljišta od 07.12.1983. godine, Presudom Upravnog suda, broj U:3101/84- I od 24.01.1985.godine, poništeno je citirano rješenje SO-e Velika Kladuša i predmet vraćen na ponovni postupak, pa se analogno tome i postupak dodjele zemljišta novim upisanim posjednicima: Velić (Sulje) Mumin, Velić (Sulje) Rasima, Latić Nisveta i Latić Šefik, smatra poništenim. Međutim i pored ovako izvršenog upisa, Redžić Ismet sin Hasana se i dalje smatra stvarnim i vanknjižnim posjednikom i vlasnikom predmetnog zemljišta. Slijedom uputa datih u obrazloženju Presude Upravnog suda kojom je naloženo da se u ponovnom postupku izvrši identifikacija zemljišta na licu mjesta, te da se između ostalog utvrdi da li je u smislu odredaba Zakona o građevinskom zemljištu, ranijem vlasniku ostalo dovoljno zemljišta za redovnu upotrebu objekta u izgradnji, održana je usmena rasprava na licu mjesta, dana 27.10.2005. godine na kojoj su saslušani: Redžić Ismet, sin Hasana ranijeg vlasnika zemljišta, ovlaštteni predstavnik ODF-a za komunalne djelatnosti i infrastrukturu, kao predlagач za izuzimanje zemljišta, te vještaci urbanističke i geodetske struke.

Nakon datih izjava stranaka u postupku i izvršene identifikacije zemljišta od strane vještaka utvrđeno je slijedeće: -uvidom u plansku dokumentaciju Regulacionog plana naselja «Joše» («Sl. glasnik opštine Velika Kladuša», broj: 3/82 i 11/82), utvrđeno je da se preko predmetnih parcela i to k.č. broj 1190/2; 1193/2; 1194/2 i 1189/2 predviđa izgradnja ulice 2,0 m udaljena sa južne strane izgrađenog objekta u vlasništvu Redžić Ismeta, a sa sjeverne strane 3,0 m; - na licu mjesta je utvrđeno da postoji izgrađeni put u širini od 4,0 m, koji je udaljen od izgrađenog objekta sa južne strane 5,0 m. Prema stručnom mišljenju vještaka urbanističke struke nekretnine koje se izuzimaju, smatraju se izgrađenim građevinskim zemljištem u svrhu izgradnje puta, te nakon izuzimanja iste, ranijem posjedniku Redžić Ismetu ostaje dovoljno zemljišta za redovnu upotrebu zgrade, a izgrađena saobraćajnica ne bi ugrožavala korištenje njegovog vlastitog objekta. Budući da je izgradnja ulice slijed radnji nakon izuzimanja zemljišta, to se po ocjeni ovog Organa ovo zemljište ima smatrati neizgrađenim, te temeljem odredaba Zakona o

građevinskom zemljištu ovim rješenjem vrši se preuzimanje neizgrađenog građevinskog zemljišta za potrebe i u svrhu iz tačke 1. dispozitiva rješenja.

Izmještanje linije obuhvata i određivanje nove širine ulice od stambenog objekta bilo bi apsolutno bespotrebno, te bi dovelo u pitanje ugrožavanja zemljišta susjednih parcela. Iz nalaza vještaka građevinske struke nesumnjivo je utvrđeno da izgradnjom pomenute saobraćajnice u svrhu koje se vrši izuzimanje zemljišta ne ugrožava ranijem vlasniku normalnu upotrebu izgrađenog građevinskog objekta-porodične kuće, budući da je u odnosu na objekat postojeća saobraćajnica postavljena i izgrađena u širini od 4,0 m i svojom izgradnjom dovoljno udaljena od izgrađenog objekta.

Na osnovu ovakvih nalaza nesporno je utvrđeno da su u konkretnom slučaju ispunjeni uslovi za preuzimanje gradskog građevinskog zemljišta u svrhu privođenja namjeni, precizno određenim Regulacionim planom naselja «Joše», pa je u smislu člana 24. Zakona o građevinskom zemljištu riješeno kao u dispozitivu ovog rješenja.

**PRAVNA POUKA:** Protiv ovog rješenja ne može se izjaviti žalba, ali se može pokrenuti upravni spor podnošenjem tužbe nadležnom sudu u roku od 30 dana od dana dostavljanja rješenja. Tužba se podnosi neposredno nadležnom sudu, u dva istovjetna primjerka.

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić,s.r.

Broj:01-05-70/2006.  
Velika Kladuša, 28.04.2006. godine

Na osnovu člana 24. Zakona o građevinskom zemljištu («Sl. novine F BiH», broj 25/03) i člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša» broj: 9/05) Općinsko vijeće Općine Velika Kladuša, rješavajući u predmetu preuzimanja neizgrađenog građevinskog zemljišta, radi privođenja trajnoj namjeni, na XX sjednici, održanoj dana 27.04.2006. godine, donijelo je

### **R J E Š E N J E** **o izmjeni i dopuni Rješenja o preuzimanju** **neizgrađenog gradskog građevinskog zemljišta**

1. Ovim Rješenjem mijenja se i dopunjuje Rješenje Općinskog vijeća Općine Velika Kladuša, broj: 01-05-148/05 od 07.06.2005.godine, tako što tačka 1. istog glasi:

«Od ranijeg vlasnika Kajtezović (Alage) Huseina iz Velike Kladuše, preuzima se neizgrađeno gradsko građevinsko zemljište radi privođenja trajnoj namjeni, a u svrhu izgradnje Ulice Mahmuta Zulića / Hazima Behrića/ u Velikoj Kladuši i to:

- k.č. broj 1161/3 «ulica», površine 114 m<sup>2</sup>;
- k.č. broj 2384/2 «ulica» površine 48 m<sup>2</sup> sve upisano u Pl broj 267 K.O. Velika Kladuša i
- k.č. broj 1508/3 dvorište površine 128 m<sup>2</sup> upisano u Pl 2619 K.O. Velika Kladuša na ime vlasnika Kajtezović (Alage) Huseina iz Velike Kladuše, što po starom premjeru odgovara:
- k.č. broj 141/15, upisane u Z.K. ul. 774 K.O. Velika Kladuša, ranije vlasništvo Kajtezović (Alage) Husein iz Velike Kladuše».

2. U tački 3.Rješenja, iza teksta «1/1 dijela», dodaje se slijedeći tekst i glasi: «Na zemljištu označenom kao k. č. broj 1161/2 »ulica», površine 205m<sup>2</sup> u zemljišnim knjigama ima se uspostaviti raniji vlasničko-pravni odnos koji je postojao prije podruštvljavanja a u korist ranijeg vlasnika Kajtezović (Alage) Huseina».

3.Ostale odredbe citiranog rješenja ostaju na snazi i u primjeni kako su utvrđene prethodnim rješenjem.

### **O b r a z l o ž e n j e**

ODF za komunalne djelatnosti i infrastrukturu Velika Kladuša podnio je dana 18.04.2005. godine Službi prostornog uređenja, resursa i zaštite okoline – Odjeljenju za imovinsko-pravne poslove Prijedlog za preuzimanje neizgrađenog gradskog građevinskog zemljišta radi privođenja trajnoj namjeni .

U prijedlogu je istaknuto da je u skladu sa Urbanističkim i Regulacionim planom započeta planirana izgradnja ulice Mahmuta Zulića / Hazima Behrića u Velikoj Kladuši i da se u tu svrhu može izvršiti preuzimanje neizgrađenog građevinskog zemljišta, označenog u dispozitivu ovog rješenja. Takođe je istaknuto da je za izgradnju ulice preko navedenog zemljišta utvrđen opći interes, Rješenjem SO-e Velika Kladuša broj 01-012-234/86 od 18.09.1986. godine, što je potvrđeno i Regulacionim planom Općine Velika Kladuša – Izvod iz Regulacionog plana Stambenog naselja «Mekote» («Sl. glasnik Općine Velika Kladuša», broj 3/85). Predlagač je u svom zahtjevu naveo da su obezbjeđena sredstva za rješavanje naknade za preuzeto neizgrađeno zemljište, što je utvrđeno i uvidom u priložene dokaze.

Odjeljenje za imovinsko-pravne poslove je provelo upravni postupak na način što je dana 27.04.2005. godine, održana usmena rasprava na licu mjesta te je uz učešće stranaka u postupku geodetski vještak izvršio identifikaciju zemljišta i saslušan punomoćnik ranijeg vlasnika neizgrađenog gradskog građevinskog zemljišta, advokat Stokrp Milan iz Velike Kladuše.

Punomoćnik ranijeg vlasnika zemljišta je izjavio da se ne slaže sa predloženom površinom koja se preuzima, jer preostali dio za vlasnika nema

nikakvu tržišnu vrijednost, te predlaže da se izvrši preuzimanje i preostalog zemljišta i za isto isplati odgovarajuća naknada.

Na izričiti zahtjev ranijeg vlasnika, a u pogledu preuzimanja preostalog dijela zemljišta za koje nema pravnog interesa daljnjeg korištenja, izvršeno je preuzimanje i preostalog dijela zemljišta, a u skladu sa članom 9. Zakona o eksproprijaciji, koje se odredbe primjenjuju u ovakvim slučajevima.

Budući da je prijedlog za preuzimanje zemljišta formulisan u skladu sa Urbanističko-planskom dokumentacijom iz koje je vidljivo da se preuzimanje traži u svrhu izgradnje ulice, to je Rješenjem Općinskog vijeća broj: 01- 05-148/05 od 07.06.2005. godine, prihvaćen prijedlog o preuzimanju zemljišta u skladu sa Regulacionim planom.

Naknadno je, nakon dostavljanja rješenja, vlasnik Kajtezović Zumreta svojom izjavom na zapisnik odustala od prethodno postavljenog zahtjeva za preuzimanje preostalog dijela zemljišta i zatražila da se izmijeni Rješenje na način da se u tački 1.dispozitiva Rješenja izostavi iz postupka preuzimanja parcela označena kao k.č broj 1161/2 «ulica» površine 205m2 obrazlažući to činjenicom da je u prethodno provedenom postupku, zbog neupućenosti došlo do određenog nesporazuma u vezi postavljenog prijedloga..

Nakon razmatranja novog postavljenog zahtjeva, a uvažavajući interes ranijeg vlasnika, ocijenjeno je da je u konkretnom slučaju zahtjev opravdan te se predlaže njegovo usvajanje.

Iz svega naprijed izloženog utvrđeno je da su ispunjeni uslovi iz člana 24. Zakona o građevinskom zemljištu za preuzimanje gradskog građevinskog zemljišta iz posjeda ranijeg vlasnika, zbog čega je saglasno naprijed citiranim zakonskim odredbama, odlučeno kao u dispozitivu ovog Rješenja.

**PRAVNA POUKA:** Protiv ovog rješenja ne može se izjaviti žalba, ali se može pokrenuti upravni spor podnošenjem tužbe nadležnom sudu u roku od 30 dana od dana dostavljanja rješenja.

Tužba se podnosi neposredno nadležnom sudu, u dva istovjetna primjerka.

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić,s.r.

Broj: 01-05- 69/2006.  
Velika Kladuša, 28.04.2006. godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05) i člana 91. i 99. Poslovnika Općinskog vijeća Općine Velika Kladuša - prečišćeni tekst, («Službeni glasnik Općine Velika Kladuša», broj: 9/05.), Općinsko vijeće Općine Velika Kladuša, a

raspravljajući po istaknutim primjedbama u vezi povreda odredbi Poslovnika Općinskog vijeća u smislu odgovarajuće zastupljenosti Općinskih vijećnika u radnim tijelima Vijeća, na XX sjednici, održanoj 27.04.2006. godine, donijelo je

## ZAKLJUČAK

### I

Zadužuje se Kolegij Općinskog vijeća Općine Velika Kladuša da razmotri eventualne povrede odredbi Poslovnika Općinskog vijeća Općine Velika Kladuša u smislu odgovarajuće zastupljenosti Općinskih vijećnika u radnim tijelima Općinskog vijeća te nakon toga, po potrebi predloži Vijeću odgovarajuće postupanje.

### II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić,s.r.

Broj:01-05-77/2006.  
Velika Kladuša, 28.04.2006. godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05) i člana 91. i 99. Poslovnika Općinskog vijeća Općine Velika Kladuša - prečišćeni tekst, («Službeni glasnik Općine Velika Kladuša», broj: 9/05.),a nakon provedene rasprave o Programu javnih radova po programu zajedničke komunalne potrošnje za period 01.04.2006. godine do 31.03.2007. godine, grad Velika kladuša, Općinsko vijeće Općine Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Usvaja se Program javnih radova po programu zajedničke komunalne potrošnje za period 01.04.2006. godine do 31.03.2007. godine, grad Velika Kladuša.

### II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić,s.r.

Broj:01-05-73/2006.  
Velika Kladuša, 28.04.2006. godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05) i člana 91. i 99. Poslovnika Općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj: 9/05.), a nakon provedene rasprave o Izvještaju o rada i finansijskom poslovanju Javne ustanove Centar za socijalni rad Velika Kladuša za 2005. godinu, Općinsko vijeće Općine Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Usvaja se Izvještaj o radu i finansijskom poslovanju Javne ustanove Centar za socijalni rad Velika Kladuša za 2005. godinu.

### II

Zadužuju se Upravni odbor i direktor Centra da iznađu najpodesniji način informisanja građana Općine Velika Kladuša o socijalnim pravima po različitim osnovama (informisanje izvršiti putem radija i na drugi način: odgovarajuće brošure, leci, flajeri i sl.)

### III

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-81/2006.  
Velika Kladuša, 28.04.2006. godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05) i člana 91. i 99. Poslovnika Općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj: 9/05.), a nakon provedene rasprave o Programu rada i finansijskog poslovanja Javne ustanove Centar za socijalni rad Velika Kladuša za 2006. godinu, Općinsko vijeće Općine Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Daje se SAGLASNOST na Program rada i finansijskog poslovanja Javne ustanove Centar za socijalni rad Velika Kladuša za 2006. godinu.

## II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-80/2006.  
Velika Kladuša, 28.04.2006. godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05) i člana 91. i 99. Poslovnika Općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj: 9/05.), a nakon provedene rasprave o Izvještaju o rada i finansijskom poslovanja Javne ustanove Centar za kulturu i obrazovanje «Zuhdija Žalić» Velika Kladuša u 2005. godini, Općinsko vijeće Općine Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Usvaja se Izvještaj o radu i finansijskom poslovanju Javne ustanove Centar za kulturu i obrazovanje «Zuhdija Žalić» Velika Kladuša u 2005. godini.

### II

Zadužuje se Upravni odbor Javne ustanove Centar za kulturu i obrazovanje «Zuhdija Žalić» Velika Kladuša da u 2006. godini, iz vlastitih rezervi Centra, ili na drugi način, pokuša iznaći sredstva za određene naknade najangažovanijim volonterima KUD-a «Tono Hrovat», kao i za izradu izvedbeno-projektne dokumentacije potrebne za predviđenu dogradnju poslovnog objekta JU Centar za kulturu i obrazovanje «Zuhdija Žalić» Velika Kladuša.

### III

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-78/2006.  
Velika Kladuša, 28.04.2006. godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05) i člana 91. i 99. Poslovnika Općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj: 9/05.), a nakon provedene rasprave o Programu rada i finansijskog poslovanja Javne ustanove Centar za

kulturu i obrazovanje «Zuhdija Žalić» Velika Kladuša u 2006. godini, Općinsko vijeće Općine Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Daje se SAGLASNOST na Program rada i financijskog poslovanja Javne ustanove Centar za kulturu i obrazovanje «Zuhdija Žalić» Velika Kladuša u 2006. godini.

### II

-Zadužuje se Upravni odbor Centra za kulturu i obrazovanje «Zuhdija Žalić» Velika Kladuša da sagleda mogućnost organizacije u toku godine, osim Kladuških dana kulture, još jedne kulturne manifestacije na području Općine

-Zadužuju se organi KUD-a «Vrnograč» iz Vrnograča da na odgovarajući način sagledaju interes i potrebe KUD-a te u skladu sa istim kandidiraju eventualno organizaciono i materijalno uvezivanje KUD-a «Vrnograč» pri JU Centar za kulturu i obrazovanje «Zuhdija Žalić» Velika Kladuša.

### III

Ovaj Zaključak stupa na snagu danom objavljivanja u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj:01-05-79/2006.  
Velika Kladuša, 28.04.2006. godine

U skladu sa odredbama člana 33. Odluke o usklađivanju Odluke o osnivanju Javnog preduzeća Veterinarska stanica d.o.o. Velika Kladuša, sa odredbama Zakona o Javnim preduzećima u F BiH («Službeni glasnik Općine Velika Kladuša», broj: 7/05 i 10/05) i člana 16. Statuta Javnog preduzeća Veterinarska stanica d.o.o. Velika Kladuša («Službeni glasnik Općine Velika Kladuša», broj: 3/06), a na osnovu člana 30. i 88. stav 2. Statuta Općine Velika Kladuša - prečišćeni tekst («Službeni glasnik Općine Velika Kladuša», broj:9/05), te člana 91. i 99. Poslovnika Općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj:9/05), Općinsko vijeće Općine Velika Kladuša vršeći ovlaštenja Skupštine Javnog preduzeća Veterinarska stanica d.o.o. Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Usvaja se Izvještaj o radu i poslovanju Javnog preduzeća Veterinarska stanica d.o.o. Velika Kladuša u 2005. godini.

### II

Obavezuje se Nadzorni odbor i menadžment Javnog preduzeća Veterinarska stanica d.o.o. Velika Kladuša da, prilikom utvrđivanja prijedloga Izvještajnih dokumenata Preduzeća u narednom periodu, obezbijede sadržajniju i detaljniju obradu poslovnog rezultata, te kroz isti predoče više uporednih pokazatelja.

### III

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj:01-05-75/2006.  
Velika Kladuša, 28.04.2006. godine

U skladu sa odredbama člana 33. Odluke o usklađivanju Odluke o osnivanju Javnog preduzeća Veterinarska stanica d.o.o. Velika Kladuša, sa odredbama Zakona o Javnim preduzećima u F BiH («Službeni glasnik Općine Velika Kladuša», broj: 7/05 i 10/05) i člana 16. Statuta Javnog preduzeća Veterinarska stanica d.o.o. Velika Kladuša («Službeni glasnik Općine Velika Kladuša», broj: 3/06), a na osnovu člana 30. i 88. stav 2. Statuta Općine Velika Kladuša - prečišćeni tekst («Službeni glasnik Općine Velika Kladuša», broj:9/05), te člana 91. i 99. Poslovnika Općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj:9/05), Općinsko vijeće Općine Velika Kladuša, vršeći ovlaštenja Skupštine Javnog preduzeća Veterinarska stanica d.o.o. Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Usvaja se Program rada i financijskog poslovanja Javnog preduzeća Veterinarska stanica d.o.o. Velika Kladuša za 2006. godinu.

### II

Obavezuje se Nadzorni odbor i menadžment Javnog preduzeća Veterinarska stanica d.o.o. Velika Kladuša da u narednom periodu sačine i dostave Općinskom vijeću cjenik usluga iz osnovne djelatnosti Preduzeća radi davanja saglasnosti na isti.

### III

Ovaj Zaključak stupa na snagu po objavljivanju u «Službenom glasniku Općine Velika Kladuša»

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj:01-05-76/2006.  
Velika Kladuša, 28.04.2006. godine

U skladu sa odredbama člana 37. Odluke o usklađivanju Odluke o osnivanju Javnog preduzeća Radio stanica Velika Kladuša sa odredbama Zakona o javnim preduzećima u F BiH («Službeni glasnik Općine Velika Kladuša», broj: 6/05) i člana 17. Statuta Javnog preduzeća «Radio televizija Velika Kladuša» d.o.o. Velika Kladuša («Službeni glasnik Općine Velika Kladuša», broj: 9/05), a na osnovu člana 30. i 88. stav 2. Statuta Općine Velika Kladuša - prečišćeni tekst («Službeni glasnik Općine Velika Kladuša», broj: 9/05), te člana 91. i 99. Poslovnika općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj: 9/05), Općinsko vijeće Općine Velika Kladuša, vršeći ovlaštenja Skupštine Javnog preduzeća «Radio televizija Velika Kladuša» d.o.o. Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Usvaja se Izvještaj o radu i poslovanju Javnog preduzeća «Radio televizija Velika Kladuša» d.o.o. Velika Kladuša za 2005. godinu, bez primjedbi.

### II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-74/2006.  
Velika Kladuša, 28.04.2006. godine

U skladu sa odredbama člana 32. o organizovanju Javnog komunalnog uslužnog preduzeća «Komunalije» d.o.o. Velika Kladuša («Službeni glasnik Općine Velika Kladuša» broj: 5/05 i 7/05) i člana 16. Statuta Javnog komunalnog uslužnog preduzeća «Komunalije» d.o.o. Velika Kladuša («Službeni glasnik Općine Velika Kladuša», broj: 12/05), a na osnovu člana 30. i 88. stav 2. Statuta Općine Velika Kladuša - prečišćeni tekst («Službeni glasnik Općine Velika Kladuša», broj: 9/05), te člana 91. i 99. Poslovnika Općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj: 9/05), Općinsko vijeće Općine Velika Kladuša, vršeći ovlaštenja uprave Javnog komunalnog uslužnog preduzeća «Komunalije» d.o.o. Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Usvaja se Izvještaj o radu Javnog komunalnog uslužnog preduzeća «Komunalije»

d.o.o. Velika Kladuša za period 01.07.2005. - 31.12.2005. godine

### II

Obavezuje se Nadzorni odbor i menadžment Javnog komunalnog uslužnog preduzeća «Komunalije» d.o.o. Velika Kladuša da sačine Program rada Preduzeća za 2006. godinu koji će imati razvojni karakter sa prijedlogom mjera za otklanjanje i saniranje gubitaka u poslovanju Preduzeća.

### III

Ovaj Zaključak stupa na snagu po objavljivanju u «Službenom glasniku Općine Velika Kladuša»

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-72/2006.  
Velika Kladuša, 28.04.2006. godine

U skladu sa odredbama člana 32. o organizovanju Javnog komunalnog preduzeća «Vodovod i kanalizacija» d.o.o. Velika Kladuša («Službeni glasnik Općine Velika Kladuša», broj: 5/05 i 7/05) i člana 16. Statuta Javnog komunalnog preduzeća «Vodovod i kanalizacija» d.o.o. Velika Kladuša («Službeni glasnik Općine Velika Kladuša», broj: 12/05), a na osnovu člana 30. i 88. stav 2. Statuta Općine Velika Kladuša - prečišćeni tekst («Službeni glasnik Općine Velika Kladuša», broj: 9/05), te člana 91. i 99. Poslovnika Općinskog vijeća Općine Velika Kladuša - prečišćeni tekst («Službeni glasnik Općine Velika Kladuša», broj: 9/05), Općinsko vijeće Općine Velika Kladuša, vršeći ovlaštenja Skupštine Javnog komunalnog preduzeća «Vodovod i kanalizacija» d.o.o. Velika Kladuša, na XX sjednici, održanoj 27.04.2006. godine, donijelo je

## ZAKLJUČAK

### I

Usvaja se Izvještaj o radu i finansijskom poslovanju Javnog komunalnog preduzeća «Vodovod i kanalizacija» d.o.o. Velika Kladuša za period 01.07. - 31.12.2005. godine.

### II

Obavezuje se Nadzorni odbor i menadžment Javnog komunalnog preduzeća «Vodovod i kanalizacija» d.o.o. Velika Kladuša da sačine Informaciju o stanju kanalizacione mreže na području grada Velika Kladuša sa projekcijom saniranja stanja i istu dostave Kolegiju Općinskog vijeća na nadležnu proceduru.

**III**

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-71/2006.  
Velika Kladuša, 28.04.2006. godine

Na osnovu člana 30. i 88. stav 2. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 9/05) i člana 91. i 99. Poslovnika Općinskog vijeća Općine Velika Kladuša - prečišćeni tekst, («Službeni glasnik Općine Velika Kladuša», broj: 9/05.), a nakon provedene rasprave o Informaciji o provođenju mjera protiv- požarne zaštite na području Općine Velika Kladuša Upravne organizacije Teritorijalna vatrogasna jedinica Velika Kladuša, Općinsko vijeće Općine Velika Kladuša, na XX sjednici, održanoj 27.04.2006. godine, donijelo je

**ZAKLJUČAK****I**

Prihvata se Informacija o provođenju mjera protiv-požarne zaštite na području Općine velika Kladuša, Upravne organizacije Teritorijalna vatrogasna jedinica Velika Kladuša, bez primjedbi.

**II**

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Sejfo Mustafić, s.r.

Broj: 01-05-82/2006.  
Velika Kladuša, 28.04.2006. godine

Na osnovu člana 44. Statuta Općine Velika Kladuša («Sl. glasnik Općine Velika Kladuša», broj: 9/05) i člana 16. Odluke o organizaciji Općinskog organa uprave Općine Velika Kladuša («Sl. Glasnik Općine Velika Kladuša», broj: 6/05), Općinski načelnik Općine Velika Kladuša, dana 27.04.2006. godine, donio je slijedeće

**RJEŠENJE**

**o imenovanju Organizacionog odbora za pripremu i učestvovanje Općine Velika Kladuša na sajmu « DANI TREŠNJE 2006.» MOSTAR**

**I**

Imenuje se Organizacioni odbor za pripremu i učestvovanje Općine Velika Kladuša na sajmu « DANI TREŠNJE 2006. » Mostar u sastavu:

1. **Admil Mulalić , predsjednik**
2. **Ibrahim Nizandžić, koordinator**
3. **Mersad Sarajlija., član**
4. **Zlatko Dizdarević, član**
5. **Husein Dolić, član**
6. **Nijaz Pajzetović, član**
7. **Edin Bekanović, član**

**II**

Zadatak Organizacionog odbora iz tačke 1. ovog Rješenja je da ; izvrši pripreme za učestvovanje i prezentaciju Općine Velika Kladuša na sajmu «DANI TREŠENJE 2006.» Mostar.

**III**

Mandat članova Organizacionog odbora traje do okončanja poslova , pripreme i učestvovanja Općine Velika Kladuša na sajmu « DANI TREŠNJE 2006.» MOSTAR.

**IV**

Ovo Rješenje stupa na snagu danom donošenja a ima se objaviti u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKI NAČELNIK

NAČELNIK OPĆINE  
Admil Mulalić, s.r.

Broj: 02-05-289/06  
Velika Kladuša, 27.04.2006. godine

Na osnovu člana 44. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 09/05) Općinski načelnik d o n o s i

**ZAKLJUČAK**

**o određivanju koordinatora za upravno-pravne aktivnosti u rješavanju statusa Radio Velkatona i stanja i statusa imovine koju koristi JP RTV Velika Kladuša, d.o.o.**

**I**

Gospodin HASIB HODŽIĆ, šef Odjeljenja za urbanizam i stambeno-komunalne poslove u Službi za prostorno uređenje, resurse i zaštitu okoline, angažira se na poslove i radne zadatke u rješavanju slijedećeg:

- utvrđivanja pravnog statusa Radio Velkatona,
- stanje i status imovine koju je imao/koristio Radio Velkatona (pokretna i nepokretna imovina i oprema),
- status uposlenih radnika Radio Velkatona sa 31.12.1992. godine, ili trenutni status,
- status imovine (opreme, nepokretna imovina) koju koristi JP RTV Velika Kladuša i imovinsko-pravni odnosi ova dva subjekta.

**II**

Imenovani se ovlašćuje da pismeno zatraži od lica i pravnih subjekata pisana dokumenta, izvode i slično koja mogu pomoći u izvršenju zadataka iz tačke I ovog Zaključka.

*III*

*Angažman imenovanog na poslovima iz t. I i II ovog Zaključka trajat će u toku redovnih poslova, a do izvršenja, odnosno iznalaženje adekvatnog rješenja za oba subjekta koje bi bilo osnov za normativno-pravno regulisanje odnosa između njih i osnivača u skladu sa važećim zakonima iz ove oblasti.*

*IV*

*Ovaj Zaključak stupa na snagu danom donošenja a primjenjivat će se od 21.04.2006. godine.*

**OPĆINA VELIKA KLADUŠA**  
**OPĆINSKI NAČELNIK**

**OPĆINSKI NAČELNIK**  
*Admil Mulalić, s.r.*

*Broj: 02-05-280/06*  
*Velika Kladuša, 24.04.2006.god.*